



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1856**

CXXIX Markgraf Johann beleihet Peter Michel, Bürger zu Spandow, noch mit mehreren erkauften Besitzungen zu Etzin, am 24. Januar 1434.

[urn:nbn:de:hbz:466:1-54728](https://nbn-resolving.org/urn:nbn:de:hbz:466:1-54728)

CXXIX. Markgraf Johann beleihet Peter Michel, Bürger zu Spandow, noch mit mehreren erkaufften Befitzungen zu Ectzin, am 24. Januar 1434.

Wir Johannis, von gots gnaden Marggraue zcu Brandenburg vnd Burggraue zcu Nuremberg, Bekennen — das wir dem Erlamen vnseren lieben getrewen peter michahele, Burger zu Spandow, diese hienachgeschriben guter, Jerliche czinse vnd Rente, mit namen Ertman hoden hoff vnd czehn huben, In dem dorff Ectzin gelegen vnd darczu gehorend, derselben huben, Jecliche czinset ein halben wispel Rogken, ein halben wispel gersten vnd ein halben wispel habern, darczu derselb hoff vnd huben Jerlichen geben dreyczehn hünner vnd sunst vnd mit allen iczlichen freyheyten vnd gerechtigkeiten, Inmafzen das Ertman hode Ingehabt, von dem genanter peter michiel das gekaufft hat, Item czwey huben vnd einen hoff doselbst zu Ectzin gelegen, die er von Caspar lantin gekaufft hat, zu einem Rechten manlehn gelihen haben, vnd wir uerleihen auch dem genanten peter michiel vnd allen seinen rechten menlichen leibzlehnerben den obgeschriben hoff, huben, Jerliche czinse vnd Rente czu einem rechten manlehn In crafft dieses Brieffs etc. — Auch haben wir In die besundern genade getan, das sie von sulcher obgeschriben guter wegen rofzdienstes vnd ander dienste frey sein sullen, Aufzgenommen, wenn vnser lande In der marck zu Brandenburg gemeinlich dienen vnd Schossen, So sullen dieselben Inwoner der obgeschriben guter gleich andern den vnseren auch dienen vnd Schossen one alle widerrede getrewlich on geuerde: vnd geben In des zu einen Inweiser vnseren lieben getrewen hienczen kraecht. Zu vrkund mit vnserem anhangenden Insigel uerfigelt vnd Geben zu Spandow, Am nechsten Sonntag vor sand pawels tag seiner bekerung, nach Cristi vnfers hern geburte vierzehnhundert Jar vnd darnach In den viyendreissigsten Jaren.

Dominus per se.

Nach dem Schurm. Lehnscopialbuche XVI, 52.

CXXX. Markgraf Johann beleihet die Gebrüder Hallenbrecht zu Spandow mit 26 Hufen Landes zu Schorin, die sie von Claus Bröscke erkaufft haben, und befreit selbige vom Lehndienste, am 28. März 1434.

Wir Johannis, von gots gnaden Marggraue zcu Brandenburg vnd Burggraue zcu Nuremberg, Bekennen — das wir vnsern lieben getruwen peter, hanfen vnd Jorgen, gebu- dern Hallenbrechte gnant, Burgern zcu Spandow, in gesampt, in dem dorff Schorin Sechs- vndczwenzig huben mit allen freiheiten, czugehorungen vnd gerechtigkeiten, In dorff vnd In velde, An ackern, wiesen, weiden, geholzen, an bruchern vnd vischereien in den bruchern, das halbe kirchlehn mit dem halben Obersten vnd nidersten gericht, In aller mafz, Als die Claws Brö- cken Inne gehabt, von dem die hallenbrechte die selben huben gekoufft haben, vnd Er die vor vns vorlassen hott, zcu einem rechten manlehn geliehen haben vnd leihen In die auch In ge- sampt zcu einem rechten manlehn in Crafft dieses brieffes etc. — Auch haben wir den gnanten